

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0054773 23
Zenica, 28.10.2025. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačka h), člana 241. stav 1. i člana 242. ZKP F BiH, podižem

OPTUŽNICU

Protiv:

K. A., , neosuđivan,

što je:

dana 22.12.2022. godine, oko 19,00 sati, na području općine V., upravljajući putničkim motornim vozilom marke „VW Caddy“ registarskih oznaka, krećući se regionalnim putem ..., ne pridržavajući se saobraćajnih propisa, postupajući suprotno odredbi člana 43. stav 1. Zakona o osnovama sigurnosti saobraćaja na putevima u BiH, brzinu kretanja vozila nije prilagodio karakteristikama i stanju puta, vidljivosti, preglednosti, atmosferskim prilikama, stanju vozila i drugim saobraćajnim uslovima, tako da vozilo može pravovremeno zaustaviti pred svakom preprekom koju je pod navedenim uvjetima mogao predvidjeti, iako je bio svjestan da uslijed takve vožnje može ugroziti javni promet te dovesti u opasnost živote ljudi i imovinu većih razmjera, ali je olako držao da zabranjena posljedica neće nastupiti ili da će je moći spriječiti, pa vozeći tako po dolasku u mjesto K., uslijed neprilagođene brzine kretanja vozila kojim je upravljao, izgubio kontrolu nad vozilom, a zatim sa istim prešao u saobraćajnu traku namijenjenu kretanju vozila iz suprotnog smjera te prednjim dijelom vozila udario u betonski stub podvožnjaka koji se nalazio sa lijeve strane kolovoza uslijed čega je saputnica u vozilu M.N. zadobila tešku tjelesnu povredu u vidu preloma desne nadlaktične kosti,

dakle, iz nehata kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost život ljudi, usljed čega je prouzrokovana teška tjelesna povreda jedne osobe,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.